

ԱՐՁԱՆԱԳՐՈՒԹՅՈՒՆ N° ՀԽ-6

ՀՀ սպորտի և երիտասարդության հարցերի նախարարին կից  
հասարակական խորհրդի նիստի

ք. Երևան

18 սեպտեմբերի 2018 թ., ժամը՝ 12.00

**Նիստի նախագահ՝**

Լևոն Վահրադյան

ՀՀ սպորտի և երիտասարդության հարցերի  
նախարար

**Խորհրդի անդամներ՝**

Հարություն Բաբայան

Հայաստանի ֆիզիկական կուլտուրայի և սպորտի  
պետական ինստիտուտ

Սամվել Սերոբյան

«Երևանի Վահան Զատիկյանի անվան մարզակույր»  
ՀՈԱԿ

Արշամ Սարգսյան

«Սյունիքի մարզի աթլետիկայի ֆեդերացիա»  
հասարակական կազմակերպություն

Խաչիկ Հարությունյան

Հայաստանի ֆիզիկական կուլտուրայի և սպորտի  
պետական ինստիտուտի «ՖԻՄԱ» հասարակական  
կազմակերպություն

Լիլիթ Մակարյան

Գյումրու երիտասարդական պալատ

Անժելա Բարխուդարյան

հոգեբան

Արսեն Գաբրիելյան

Հայաստանի բազկամարտի ֆեդերացիա

Էռնեստ Ավանեսով

մանկավարժական գիտությունների թեկնածու,  
դոցենտ

Հակոբ Աբրահամյան

Հայաստանի ազգային պարաօլիմպիկ կոմիտեի  
նախագահ

Լիանա Սարգսյան

«Վորլդ Վիժն Հայաստան» զարգացման և  
բարեգործական միջազգային կազմակերպություն

Միեր Պոյաճեան

ՀՄԸՄ-ՀԱՍԿ Հայաստանի ազգային սկաուտական  
շարժում

Մերոպ Գալստյան	««Լույսի աշխարհ» մանկապատանեկան, երիտասարդական կենտրոն» հասարակական կազմակերպություն
Լուսինե Պետրոսյան	««Լույսի աշխարհ» մանկապատանեկան, երիտասարդական կենտրոն» հասարակական կազմակերպություն
Սամվել Մկոյան	«Զավախքին աջակցություն» հիմնադրամ

### ՕՐԱԿԱՐԳ

1. Մարզաձևերի ՀՀ ազգային հավաքականներում ընդգրկված, ինչպես նաև հեռանկարային մարզիկների հոգեբանական ապահովման և մոնիտորինգի ունիվերսալ համակարգի ձևավորման վերաբերյալ:
2. Հայաստանի Հանրապետությունում մանկապատանեկան մարզադպրոցների ծրագրա-նորմատիվային փաստաթղթերի վիճակի վերաբերյալ:
3. Հանրակրթական դպրոցների և մարզակառույցներ <sup>ի</sup> ունեցող այլ հաստատությունների համագործակցության հարցը՝ նվազագույնը համայնքային մակարդակով:
4. Ազգային շարժախաղերի փառատոնի կազմակերպման վերաբերյալ (հանրակրթական դպրոցների ուսուցիչներին և նախադպրոցական հաստատությունների ֆիզկուլտուրայի հրահանգիչների մասնակցությամբ):
5. Գիտամեթոդական գրականության հրատարակման հանրապետական խորհրդի (կաբինետ) ստեղծման վերաբերյալ:

### Օրակարգի 1-ին հարցի քննարկում

Հոգեբան Անժելա Բարխուդարյանը խոսել է մարզաձևերի <sup>ի</sup> ՀՀ ազգային հավաքականներում ընդգրկված, ինչպես նաև հեռանկարային մարզիկների հոգեբանական ապահովման և նրանց հետ տարվող աշխատանքների մոնիտորինգի ունիվերսալ համակարգի ձևավորման անհրաժեշտության մասին՝ ներկայացնելով Հայաստանի բռնցքամարտի մեծահասակների և երիտասարդների հավաքականների անդամների հետ իրականացրած իր աշխատանքները:

**Ելույթ են ունեցել՝** ՀՀ սպորտի և երիտասարդության հարցերի նախարար Լևոն Վահրադյանը, ՀՀ սպորտի և երիտասարդության հարցերի նախարարի տեղակալ Գաբրիել Ղազարյանը, Հայաստանի ֆիզիկական կուլտուրայի և սպորտի պետական ինստիտուտի Լալայանի անվան մանկավարժության և հոգեբանության ամբիոնի վարիչ Հարություն Բաբայանը:

**Որոշվել է՝** մշակել համապատասխան իրավական փաստաթուղթ, որը կներկայացվի ՀՀ կառավարության հաստատմանը՝ մարզաձևերի հավաքական թիմերի հետ պիլոտային ծրագիր իրականացնելու համար:

### **Օրակարգի 2-րդ հարցի քննարկում**

Մանկավարժական գիտությունների թեկնածու, դոցենտ Էռնեստ Ավանեսովը ներկաների ուշադրություն է հրավիրել Հայաստանի Հանրապետությունում մանկապատանեկան մարզադպրոցների ծրագրա-նորմատիվային փաստաթղթերի թերի վիճակի վրա և առաջարկել ստեղծել միասնական փաստաթուղթ, ինչը կբարձրացնի մարզադպրոցների ուսումնա-մարզական գործընթացի արդյունավետությունը:

**Ելույթ են ունեցել՝** ՀՀ սպորտի և երիտասարդության հարցերի նախարար Լևոն Վահրադյանը, ՀՀ սպորտի և երիտասարդության հարցերի նախարարի տեղակալ Գաբրիել Ղազարյանը, Հայաստանի ազգային սկաուտական շարժման ներկայացուցիչ Միեր Պոյաճեանը, Գյումրու երիտասարդական պալատի տնօրեն Լիլիթ Մակարյանը:

**Որոշվել է՝** հաշվի առնելով այն հանգամանքը, որ խնդրի կարգավորման նպատակով Հայաստանի Հանրապետության սպորտի և երիտասարդության հարցերի նախարարության կողմից արդեն իսկ աշխատանքներ են տարվում, խորհրդի հաջորդ նիստին ներկայացնել կատարված աշխատանքների արդյունքները:

### **Օրակարգի 3-րդ հարցի քննարկում**

Մանկավարժական գիտությունների թեկնածու, դոցենտ Էռնեստ Ավանեսովը ներկայացրել է ՀՀ հանրակրթական դպրոցների և մարզակառույցներ ունեցող այլ հաստատությունների համագործակցության հարցը՝ նշելով, որ այն խթան կդառնա դպրոցահասակ երեխաների համար՝ զբաղվելու ֆիզիկական կուլտուրայով և սպորտով, ինչպես նաև արդյունավետ օգտագործելու մազաբազանների հնարավորությունները:

**Ելույթ են ունեցել՝** ՀՀ սպորտի և երիտասարդության հարցերի նախարարի տեղակալ Գաբրիել Ղազարյանը, ««Լույսի աշխարհ» մանկապատանեկան, երիտասարդական

կենտրոն» հասարակական կազմակերպության ներկայացուցիչներ Մեսրոպ Գալստյանը և Լուսինե Պետրոսյանը, «Սյունիքի մարզի աթլետիկայի ֆեդերացիա» հասարակական կազմակերպության նախագահ Արշամ Սարգսյանը, Հայաստանի ֆիզիկական կուլտուրայի և սպորտի պետական ինստիտուտի Լալայանի անվան մանկավարժության և հոգեբանության ամբիոնի վարիչ Հարություն Բաբայանը:

**Որոշվել է՝** հարցը քննարկել՝ ներգրավելով նաև հանրակրթական դպրոցների վերադաս գերատեսչությունների ներկայացուցիչներին:

#### **Օրակարգի 4-րդ հարցի քննարկում**

Մանկավարժական գիտությունների թեկնածու, դոցենտ Էռնեստ Ավանեսովը խոսել է ազգային շարժախաղերի փառատոնի կազմակերպման անհրաժեշտության մասին՝ նշելով, որ այդ խաղերն ունեն ոչ միայն մարզական, այլև պատմական ու մշակութային նշանակություն:

**Ելույթ են ունեցել՝** ՀՀ սպորտի և երիտասարդության հարցերի նախարարի տեղակալ Գաբրիել Ղազարյանը, Հայաստանի ֆիզիկական կուլտուրայի և սպորտի պետական ինստիտուտի Լալայանի անվան մանկավարժության և հոգեբանության ամբիոնի վարիչ Հարություն Բաբայանը, հոգեբան Անժելա Բարխուդարյանը, Գյումրու երիտասարդական պալատի տնօրեն Լիլիթ Մակարյանը:

**Որոշվել է՝** Գյումրում փորձնական անցկացնել ազգային շարժախաղերի փառատոն՝ հետագայում այն կազմակերպել նաև մյուս մարզերում կամ Երևան քաղաքում:

#### **Օրակարգի 5-րդ հարցի քննարկում**

Հայաստանի ֆիզիկական կուլտուրայի և սպորտի պետական ինստիտուտի Լալայանի անվան մանկավարժության և հոգեբանության ամբիոնի վարիչ Հարություն Բաբայանը քննարկման է ներկայացրել գիտամեթոդական գրականության հրատարակման հանրապետական խորհրդի ստեղծման անհրաժեշտության հարցը: Ըստ զեկուցողի՝ գիտամեթոդական գրականության հրատարակման հանրապետական խորհուրդը զբաղվելու է զանգվածային, առողջարարական ֆիզիկական դաստիարակության և մարզական պարապմունքների կազմակերպման գիտամեթոդական գրականության հրատարակմամբ, տարբեր մարզաձևերի սպորտային կատարելագործման և սպասարկման գիտամեթոդական, մասնագիտական գրականության հրատարակմամբ, ինչպես նաև տարբեր մարզաձևերի հավաքական թիմերի համալիր սպասարկման գիտական խմբերի ստեղծմամբ: